

TOUCHER

CENTURION ROLBALKLUB

CENTURION BOWLS CLUB

(www.centurion.bowls-club.co.za)

secretary@centurion-bowls.co.za

NUUSBRIEF / NEWS LETTER

Junie

2023

July

O koud is die windjie

en skraal. (Eugène Marais)

So begin Eugène Marais se tydlose gedig "Winternag". Ons ken dit van skooldae af, maar elke winter word die betekenis weer nuut.

Winter 2023 is upon us. Enjoy each bowl of hot soup, and each bowl on the green.

HOOGTEPUNTE

Die maandelikse worslopie (op 6 Junie, weer eens knap bestuur deur Tertius van de Venter), was 'n besondere geleentheid van 2-4-2 parespel. Willem van Zyl is as oorwinnaar gekroon en beloon, met Piet Swemmer in die tweede plek - baie geluk!

Die Woensdagmiddag parespel in 2-4-2-formaat gaan steeds van krag tot krag, en op 31 Mei kon die spelers die eerste keer heerlike worsrolle na spel geniet, danksy die opgeloopte weeklikse inkomste van R20 per speler. 'n Baie spesiale dankie weer eens aan Leon Smith vir al sy moeite!



Op 16 Junie is die jaarlikse KANSA-pretdag gehou. Dit is 'n inisiatief van Kerk-in-Suid in samewerking met KANSA (Kankervereniging van Suid-Afrika) en ons klub.

spelers. almal sjerrie kon geniet. 'n kankerlyers en het ook saam geëet.



Daar was 96 spelers, saamgestel in spanne bestaande uit een ervare speler en drie nie-Die spel het groot pret meegebring, waarna sop, brood en Aantal versorgers



Die wenner van die dag se spel was Harm Timmerman en sy span. Ook uit fondswerwingsoogpunt was die dag 'n groot sukses. Welgedaan, Leon Smith en die helpers, asook alle spelers!

VANWAAR GEHASI?

Louwtjie de Jager



Louwrens Christiaan (Louwtjie of Louw) is gebore op 19 April 1948 in Standerton. Ek is gedoop in Cornelia. Ek het 'n suster wat drie jaar ouer as ek is. My ouers het geboer op 200 morge in die Ascent omgewing. Omdat die grond nie groot genoeg was vir 'n lewensvatbare bestaan nie en omdat my pa van natuur eerder 'n gebore sakeman as 'n boer was, het hy besluit om die grond eerder te verhuur en 'n besigheid te koop.

In 1951 trek ons toe Pretoria toe waar my pa, 'n melkery begin - wat vars melk oor die toonbank verkoop het. Die winkelture was in die oggend van 06h00 tot 11h00 en in die namiddag van 15h30 tot 18h00, elke dag van die jaar. Ons is in die oggende 05h30 uit die huis uit, gewapen met 'n druppel bloekomolie op die neus en in die kuiltjie van jou keel. Vars melk was in die oggend en in die middag in 10 gelling melkkanne vanaf 'n melkplasie afgelewer waarna dit met 'n beker in die koper se houer geskink is. Van jongs af moes ek in die melkery werk. Ons het nie 'n kluis in die huis gehad nie. My pa het die rolle note in sy deurmekaar skoenekas in sy skoene gedruk saam met 'n paar sokkies, totdat hy dit kon gaan bank het.

In 1961 het my pa die melkery verkoop en het ons op 'n landbouhoewe in Raslouw gaan bly. Ons het 10 jaar daar gewoon en hoofsaaklik met perskes geboer (1 000 bome). In standerd 6 was ek in Verwoerdburg Hoërskool en vanaf standerd 7 in Voortrekkerhoogte Hoërskool. Die skoolbus het ons 07h00 by die bushalte opgelaai en ons was 15h00 in die middag by die huis. Dit was moeilik om aan sport en ander aktiwiteite deel te neem.

In 1965 het ek gematrikuleer en in 1966 is ek geloot vir nege maande weermag opleiding in Potchefstroom se artilleriekorps. In 1967 het ek begin met interne klerkskap by 'n geëktrooniseerde rekenmeester, met 'n aanvangsalaris van R60 per maand en R1 per maand verhoging vir elke vak wat jy buitemuurs slaag, asook R5 per maand jaarlikse verhoging. Na 18 maande het ek tou opgegooi en by Yskor in die kosteberekeninge-afdeling begin werk. In 1970 het ek gegradueer en 'n pos by hoofkantoor in die Bedrysekonomiese Dienste afdeling gekry. In 1988 het ek B Comm (Hons) aan Unisa voltooi. In 1994 is ek oorgeplaas na die Finansiële departement en was ek verantwoordelik vir die administrasie van kapitaalbegroting van die staaldivisie (R1 200 milj). Met die rasionalisering in 1999 het ek 'n pakket ontvang na 32 jaar diens en op 51 jarige ouderdom.

Daarna het 'n ongelukkige tydperk in my lewe gevolg totdat ek in 2001 by Kiepersol Dienssentrum betrokke geraak het, eers vir 10 jaar om borde kos aan huis af te lewer by mense wat nie hulle kos by die dienssentrum kon kom haal nie. Daarna was ek vir ses jaar tot 2017 kombuisbestuurder van Kiepersol Dienssentrum, verantwoordelik vir al die aankope en om toesig te hou dat die kos smaaklik voorberei word volgens gebalanseerde spyskaarte en binne 'n beperkte begroting.

Intussen het Wim van der Waals my by rolbal betrek en afgerig. Ek is bevoorreg om aan Centurion Rolbalklub te behoort en hoop om nog lang gelukkige rolbaljare tussen aangename rolbalvriende deur te bring en die spel te geniet.

BESTUUR

Sake wat tydens die bestuursvergadering op 9 Junie bespreek is, kom grootliks elders in hierdie uitgawe ter sprake, en/of sal per WhatsApp aan lede deurgegee word.

Die volgende bestuursvergadering vind plaas op 7 Julie 2023.

Belangrike datums vir die dagboeke:

30 Junie 2023 Fondsinsameling, Villieria.

22 Julie 2023 Vierhoekige byeenkoms (Centurion, Villieria, Lynnwood, Bronkhorstspuit) te Bronkhorstspuit.

19 Augustus 2023 Jaarvergadering

20 Augustus 2023 Nomads-toernooi by die klub.

KOMPETISIES

Klub

Die Dames Klubkompetisies vir 2022-2023 is afgehandel en die uitslae verskyn in die onderstaande tabel. Baie geluk aan die wenners, naaswenners en groot dank aan al die deelnemers, en veral ook aan die organiseerder Thea Opperman!

KOMPETISIE	WENNERS	NAASWENNERS	INSKRYWINGS
Enkels Ope	Eurika Lawrence	Dalina Brits	22
Senior Enkels	Maria Steyn	Cathy Austen	22
Beginners Enkels	Helena Payne	Adri Greve	6
Gelote Driespel	Dorina du Plessis, Tillie Kamper, Susaar van Rooyen.	Karien Roos, Priscilla Lamprecht, Helena Payne	24
Gelote Vierspel	Karien Roos, Dalina Brits, Zinda Muller, Anette Olivier	Dorina du Plessis, Thea Opperman, Anita Beukes, Louie Weber	24
Gekose Pare	Eurika Lawrence, Dalina Brits	Thea Opperman, Louie Weber	24
Lekkerbreek	Louie Weber		29 lede.

Na 'n baie spannende verloop van sake is Matie Stander en Japie Horn gekroon as wenners van die Mans Gekose Pare-kompetisie. Baie geluk, en ook aan die naaswenners, Tian Pietersen en Piet Brits! Die Mans Klubkompetisies (Gelote Drie- en Vierspel), asook Gekose Gemengde Parespel is nog aan die gang, met groot dank aan die organiseerder, Herman du Plessis.

BGN en Liga

Steeds stilte voor die storm.....

ROLBALONTWIKKELING

Afrigting

Twee potensieële nuwe lede ontvang tans afrigting, met groot dank aan die afrigters, naamlik Leon, Hermien, Bosman, Wim, Ernst en Zinda.

Rolbaletiket

Ernst Müller skryf:

Onlangs kom 'n persoon na my, langs die perk, en spreek my, as jong afrigter aan met die aanmerking dat ons as afrigters die nuwe spelers die etiket en reëls van die spel moet leer. Ek was nogal verbaas oor die teregwyding!

Centurion Rolbal Klub verskaf aan elke nuwe lid 'n reëlboek en 'n etiketboek met hul bekendstelling. Dit is dan immers elke persoon se verantwoordelikheid om dit te lees, en toe te pas.

Wat verstommend is, is dat dit in 'n groot mate die meer senior spelers is wat die reëls verbreek en die etiket laat slap lê en dus 'n swak voorbeeld stel.

Kyk maar bietjie om jou rond wanneer jy weer rolbal speel:

- *Spelers sit op die perkbanke, wat ontoelaatbaar is.*
- *Strooi van stompies – en lekkergoed papiertjies – langs die perke.*
- *Speel met ontoelaatbare skoene, met hakke, en selfs met stewels.*
- *Stop die wit bal – laat dit nie rol tot waar dit self tot stilstand sou kom nie.*
- *Opwarm voor die spel, met 'n mat en 'n wit bal, en dan in die rigting van spel.*

Kom ons lig die standaard van Centurion Rolbal Klub na hoër hoogtes! Met beter dissipline en self- en wedersydse respek sal ons beslis 'n klub in Gauteng wees om mee rekening te hou.

Dienswillig en moedswillig,

Ernst



WERD OM TE WEET.....

Leon Smith wys op die algemene reëls vir die gebruik van die klub se WhatsApp-groepe:

- Skryf in die eerste persoon, identifiseer wie jy is.
- Dit is ontoelaatbaar om kommentaar te lewer wat lasterlik, pornografies, diskriminerend (op grond van ras, ouderdom, geslag, ens.) of persoonlik-polities is - kortom enige kommentaar wat die klub in 'n slegte lig stel, of wrywing tussen klublede kan veroorsaak.
- Enige lid wat voel dat hy/sy geteister is, of wat aanstoot neem aan materiaal wat deur 'n medelid geplaas is, behoort die klubbestuur daarvan te verwittig.

Wim van der Waals het al tallose rolbalkandidate afgerig, maar die huidige een verdien besondere vermelding. Hy skryf: *Die jong man is uit die oorloggeteisterde Oekraïne, Mykhailo Volokhai. Hy is 'n doktorsale student (politieke wetenskap) aan die Universiteit van Krakow in Pole wat 'n studie oor die ou RSA (voor 1994) se veiligheidsbestuurstelsel doen. Dis sy tweede besoek aan die RSA en ek begelei hom in sy studie. Hy weet ek speel rolbal en het self versoek om aan die spel, wat totaal vreemd vir hom en sy land is, bekend gestel te word. Hy*



toon baie potensiaal en ek het voorgestel dat hy sy land en sy mense, na hulle met die Russe afgereken het, ook aan die spel moet bekendstel. 😊

Ernst en Zinda Müller was as merkers betrokke by die onlangse toernooi van VIBSA (Visually Impaired Bowls South Africa). Hulle skryf:

Wat 'n ongelooflike ervaring was dit nie vir ons nie!

Die spelers – swaksiende of totaal blind - is heeltemal afhanklik van hul Rolbal Gidse (Directors).

Sommer met ons bekendstelling aan hulle het ons besef hoe absoluut afhanklik hulle van hul gidse is. Hulle kon hoor waar ons staan, ons moes egter self uitreik om hulle 'n handdruk te gee om hulle 'n goeie wedstryd toe te wens.

Die spelers is sonder enige pretensie, nederig, so weerloos en so afhanklik van hul gidse, selfs om die bal uit hul hand te neem, om te rol!

Die speler word deur die gids op die mat gelei, asook om sy/haar voete korrek op die mat te plaas. Die gids neem dan posisie in minder as vyf meter voor die speler, op die lyn waarop gerol moet word. Die blinde speler rol dan die wit bal. Dan sê die gids vir die speler hoe vêr die wit bal gerol het, bv. 27 m. Die speler word dan voorgesê hoe om sy/haar liggaam te belyn ten opsigte van die lyn wat gespeel moet word. En dan, siedaar, is dit heel dikwels 'n "toucher" wat die skoot lê, met minder as 20cm!

Die spelers se optrede en gesindheid het ons as "normale" spelers getref: so weerloos, afhanklik, op iemand anders aangewese en tog so nederig en tevrede met hul omstandighede! Die toewyding en die ure se oefen gaan ons verstand te bowe! Dit was vir ons 'n soberende ervaring wat jou hart aanroer en jou laat skaamkry oor jou eie onvergenoegdheid met jou spelpeil. 'n Ervaring wat ons vir altyd wil onthou en koester!

Ernst en Zinda

LEDESAKE

Verjaarsdae in Junie 2023

1	Emma McCabe	21	Jurg Odendaal
2	Bertie Loots	25	Ben Foord
8	Johan Ehlers	27	Hessie de Lang
11	Hadri Roux	27	Suzette Strydom
13	Frik van Niekerk (vriend)	28	Veronika Bannenberg
15	Herklaas Meyer	28	Maria Steyn
19	Nick Roelofse	29	Johan Lamprecht
20	Leon Smith		

Verjaarsdae in Julie

1	Adri Greve	8	Johan Kamper
1	Stephan Weber	14	Tertius van de Venter

2	Ina Malan	18	Eurica Lawrence
4	Gertie Botha	24	Magdaleen Antonites
5	Dawn de Beer	26	John van der Veen
6	Tian Pietersen	28	Ian Thompson (vriend)
8	Harm Timmerman	30	Flip Mattheus

Nuwe lede

Lynette Sam en Andre Jacobs. Baie welkom en geniet dit!

Lief en leed

Baie dankie vir almal se ondersteuning met Daan se afsterwe en gedenkdiens. Julle boodskappe, blomme, briefies en bywoning van die diens was vir my baie spesiaal. Dit is wonderlik om deel van so 'n rolbalfamilie te wees. Liefdegroete. Thea

Beste wense vir mooi beterskap aan die volgende lede wat almal op een of ander wyse uitdagings beleef met gesondheid: Ted Harley, Jorrie Jordaan, Bruce en Cathy Austen, Stani Antonites, Frank Wepener, Piet Schutte, Christa le Roux.

Bosman Olivier se skoonmoeder is onlangs oorlede - ons meelewing ook met hom.

Speeltye (Winter)

Dinsdae - gemengde spel, skyfies in 9:15 vir 9:30

Donderdae - gemengde spel, skyfies in 9:15 vir 9:30

Saterdag - gemengde spel, skyfies in 13:15 vir 13:30

Spel word Saterdag in rolbaldrag gespeel en gewone drag vir die ander dae. Vir klubwedstryde en klubfunksies trek ons ook rolbaldrag aan.

Fondse

Ledegeld en ander inbetalings wat betaal word moet as verwysing jou naam en van toon, asook waarvoor jy die betaling maak. Dit sal die Tesouriere se taak aansienlik vergemaklik.

Klubfooie moet verkieslik direk in die klub se bankrekening inbetaal word.

Bankbesonderhede:

Centurion Bowling Cub
ABSA Centurion (Takkode 632005)
Tjekrekeningnr 405 332 3178

Ledegeld, wat BSA/BGN affiliasiefooie insluit, is ten volle betaalbaar teen 30 Junie 2023

<u>Kategorie</u> <u>(Ouderdom op 1 Julie 2022)</u>	<u>Ledegeld</u> <u>(Affilasie BSA en BGN ingesluit)</u>
Getroud bo 75	R2 400.00
Enkel bo 75	R2 460.00
Getroud 75 en onder	R2 610.00
Enkel 75 en onder	R2 670.00

NB. Getroude persone: Albei moet lede van die klub wees om te kwalifiseer.

Spesiale reëlins vir afbetaling kan met die tesourier gereël word.

Kontak Marieta Fourie by: secretary@centurion-bowls.co.za of
Marieta.fourie@dustaside.com

Boeke

Snuffel gerus in die boekrakke vir iets om te lees en huistoe te neem. Daar is 'n kassie waarin jy R5 per boek moet ingooi. As jy klaar gelees het, bring die boek asseblief terug sodat iemand anders ook die leesgenot daarvan kan hê. Baie dankie, Judy, vir die versorging van ons boeke.

Diensrooster

Aangebring op kennisgewingbord.

GREENS AND FACILITIES

Both greens are still in good condition, thanks to the greenkeepers. During August – September the greens will be reconditioned, one after the other, ensuring that play will continue. A special word of thanks to Ernst and Zinda Müller for their invaluable efforts in keeping the markings on the greens in good shape.

Under the supervision of Bertus and Bosman, Andries and his team are busy replacing the ditch boards. This is long overdue and will take a while. The boards on the northern and southern side of both A- an B greens will be replaced and re-aligned first. The eastern and western sides to follow at a later stage.



KLEINJAN

Ma, ek het altyd ge wonder hoe kry hulle die gaatjie agter in 'n naald. Môre ma. Ek het toe vir 'n voorman wat saam met Pieter van ons klub, wie by Yskor ge werk het ge vra. Hy het spesifiek by die naaldmaak afdeling diens verrig. Hy sê as die naalde van die konwyer band af kom gaan dit dadelik na die gatmakers en slypers toe.

Hulle sit in lang rye by tafels elkeen met 'n boortjie met 'n baie skerp boorpuntjie in. Hulle boor dan die gaatjies onder 'n vergrootglas. Daarna gaan dit na die slypers wat die punte skerp vyl. Die voorman is ook 'n man van goeie inborste amper soos sy gade, maar "in" nie "uit" nie. Ek verstaan hulle sal nie sommer lieg nie.

Petrus van neef Petoors vertel my dat sy boetie, Knolgans, Vrydag, toe hy uit die hospitaal uit gekom het, heeltemal skeel was. Dit was as gevolg van die bloeddruk band wat te styf om sy arm was. Hy was in vir groottoon nael verwyderings. Die naels het sy skoene van binne af deur ge skuur. Hy het al drie pare skoene verloor. Hy het mos Saterdag nog ander teenspoed ook gehad. Hy sê nadat hy die gras by sy huis gesny het, besluit hy om gou deur die stort te gaan spring. Toe hy spring het hy nie rekening ge hou dat die stort se deur toe was nie en hy spring toe met sy gesig in die deur vas. Een aartappel moer se knop op sy voorkop. Daar is mos 'n Ingelse gesegde wat sê "Loek voorlat you liep".

Ek het toe weer met oom Kasparus Landbank ge praat oor die groot letter wanneer ek ma skryf. Hy sê as ma aan die begin van 'n sin sit dan is ma groot maar as ma in die middel is, is ma nie nodig om groot te wees nie. Hy is mos 'n man wat wel ter tale is in sy geleertheid. Hy sê ek moet net bietjie op my spelling let. Hy het nog 'n ou woordeboek wat hy aan my kan bemaak wat hy self nog met sy studies gebruik het. Ek dink nie 'n mens kan sommer ma verkeerd spel nie.

Ma onthou mos nog vir klein Botterbek van Jaarsveld wat saam met my standerd vyf moes oor doen. Hy het mos altyd saam met my op die plaas kom kuier. Hy was mos mal oor ma se brood met varkvet en rooi jam. Hy speel nou rolbal by Harlekwins. Hy is al 'n tweede. Ander dag toe ons daar by hulle klub gaan speel het, het ons bietjie gedagtes uit ge ruil. Hy vertel my toe sy oorlede vrou was bietjie in lewe kwaai op die sap van die vrug van die wingerdstok. Hy self weerhou hom van drankies, maar hy rook so 'n bietjie, ni so baie soos ma se ou ford karretjie nie.

Ek wil nog by ma hoor hoe lank bak 'n mens 'n skaap kop in die oond en teen watter grade. Ek wil 'n paar rolbal maats vra om by my te kom eet. Sit 'n mens aartappels ook by? Sekerlik nie moere nie.

Nou ja, ek moet nog na oom Kasparus toe ry om die woordeboek te gaan haal. Ek hoor dit vat nogal 'n tydjie om dit van a tot z deur te lees en jy moet mooi konsentreer om die storie te verstaan.

Daarna moet ek nog my swaar winterkomberse na die nuwe wassery toe vat vir was. Hulle sê jy gooi net R5 in die masjien dan gaan hy aan. Hulle vermoed die eienaar is besig met "money laundry".

Baie groete daar vir almal ook vir Apools.

Ma se seun.

Kleinjan.

AND IN CLOSING.....

Boss: Look here, Smith, I gave you the afternoon off yesterday to keep an appointment with your doctor, but I didn't expect to hear you were playing bowls with a friend.

Smith: Yes, sir, but that friend is my doctor.....

ooOoo

Stuur asb jou nuuswaardighede aan Gerrit Kamper by kampergd9@gmail.com , praat met hom op die rolbalbaan of in die klubhuis, of skakel met hom by 0731715630.

Besoek gerus ons webwerf by: www.centurion.bowls-club.co.za en ook ons Facebook blad by <https://www.facebook.com/Centurion-Rolbalklub-Bowling-Club>

Neem ook kennis van die Klub se e-posadres: secretary@centurion-bowls.co.za

Wanneer u e-pos aan hierdie adres stuur, sal dit minstens al die lede van die Dagbestuur bereik.